

# 4.4 Për vizitë

## Qëllimi

*N luajnë në një lojë simuluese joverbale kontaktet mes njerëzve të huaj me pritjet e ndryshme. Nëpërmjet analizës së mëvonshme do të duhet të përkrahët kompetenca e tyre për reflektim dhe duhet të fitojnë përvoja të thelluara në komunikimin ndërkulturor.*

kl. 4–9

30–45 min.



Materiali:  
Udhëzime për mikpritësit  
dhe miqtë (shih më poshtë).

Udhëzim:


- Ndjeshmëria për komunikim joverbal mund të thellohet nëse N do të nxi-ten që ta vëzhgojnë vetëdijshëm veten ose dikë tjetër gjatë dy-tri javëve të ardhshme në situatat e komunikimit dhe të sjellin shembujt përkatës.
- Burimi: Trajnimi ndërkulturor (shih më lart tek 4.1).

Rrjedha:

- Do të formohen grupe dyshe. Njëri është mikpritësi/ja e njëri është mysafiri/ja. Të gjithë marrin udhëzimet për rolet për grupin e tyre (shih më poshtë). Për përgatitje mikpritësit/et rrinë në klasë, mysafirët shkojnë në dhomën tjetër, ose në korridor. Gjatë përgatitjes N duhet të mendohen dhe të provojnë se si mund t'i zbatojnë pikat nga fleta e punës, pa folur me zë.
- Pas rreth dhjetë minutash fillon takimi. Nuk duhet të flitet. Loja zgjatë dhjetë minuta. Pastaj M pyet disa çifte për të folur shkurtimisht për përvojat e tyre.
- Reflektim dhe diskutim me tërë klasën. Shtypa për këtë:
  - Çfarë ka shkuar mirë; pse? Çfarë ndjenjash shkaktonte kjo?
  - Çfarë nuk ka shkuar hiq mirë; pse? Çfarë ndjenjash shkaktonte kjo?
  - A mundën mysafirët ta deshifronin sjelljen e mikpritësve?
  - Çfarë shkaktohej kur pritjet e caktuara nuk plotësoheshin?
  - Me çfarë kanë të bëjnë pritjet?
  - Përgjithësim: Ku ndodhin në realitet situata të ngjashme me pritje të ndryshme? Çfarë keni përjetuar ju vetë në këtë drejtim, si jeni sjellë ju?
  - A dini ndonjë shembull të situatave me pritje të ndryshme, të cilat mund të kenë të bëjnë pikërisht me dallimet kulturore?



### Udhëzimet për rolet për mikpritësit/et



#### Sjellja e mikpritësit/es:

- Ata sinjalizojnë «po» përmes rrotullimit të syve.
- Ata sinjalizojnë «jo», përmes asaj që e zgjatin gjuhën.
- Nëse duan të tregojnë diçka, nuk e bëjnë këtë me dorë, por duke i shqitur sytë.

#### Pritjet e mikpritësve/eve për mysafirin/ en.

##### Ata duhet ...

- ... të zbatin këpucët.
- ... së pari t'i lajnë duart.
- ... t'ia dhurojnë mikpritësit/es një monedhë të vogël.
- ... t'ia sjellin mikpritësit/es një karrige.
- ... të ulen këmbëkryq pranë karriges.



### Udhëzimet për rolet për mysafirët



#### Pritjet e mysafirëve nga mikpritësi/ja.

##### Ata duhet ...

- ... të përkulen gjatë përshëndetjes.
- ... të tregojnë dhëmbët e tyre.
- ... të japin numrin e tyre të telefonit.
- ... mysafirit t'i jepet një send personal.
- ... të shkruajnë emrin e tyre në një copë letër.
- ... t'i ofrojnë mysafirit një karrige.